

BADGERCARE+

NTAWV KHO MOB IB LUB SIJ HAWM LUV LUV RAU COV POJ NIAM CEV TSIJ TAB SEEB

Muaj daim ntawv kho mob ib lub sij hawm luv luv rau cov poj niam cev tsis tab seeb hauv BadgerCare Plus. Tej zaum koj yuav muaj feem tau txais daim ntawv kho mob mus ib lub sij hawm luv luv rau cov kev pab txog cev tsis tab seeb, thaj tsam li ob lub hlis, ua ntej koj ua ntawv thov BadgerCare Plus hauv koj lub county los yog tribal qhov chaw ua hauj lwm.

COV POJ NIAM UAS LAWV YUAV TAU TXAIS NTAWV KHO MOB IB LUB SIJ HAWM LUV LUV

Tus poj niam uas yuav tau txais daim ntawv kho mob ib lub sij hawm luv luv yuav tsum tau ntaub ntawv los ntawm kws kho mob tias nws lub cev tsis tab seeb, nws tsev neeg cov nyiaj tau los tas nrho ua ntej txiav se tawm yuav tsum tau txij los yog qis dua qhov teev cia tsis pub tshaj uas muab siv rau qhov kev pab ntawv kho mob mus ib lub sij hawm luv luv no thiab nws yuav tsum nyob raws li txhua cov cai tswj ntawm lwm cov kev pab cuam.

COV NYIAJ HLI TAU LOS TSIJ PUB TSHAJ RAU COV POJ NIAM CEV TSIJ TAB SEEB RAU XYOO 2009

Cov Neeg Hauv Tsev Neeg	Nyiaj Hli Kom Ntseg Tsis Pub Tshaj
1	\$2,707.50
2	\$3,642.50
3	\$4,577.50
4	\$5,512.50



COV KEV PAB UAS KAM THEM

Daim ntawv kho mob ib lub sij hawm luv luv rau cov poj niam cev tsis tab seeb yuav them rau tej kev tshuaj ntsuam cev tsis tab seeb, uas yog:

- Cov kev mus ntsib kws kho mob
- Txhaj tshuaj
- Yuav cov tshuaj kws kho mob sau ntawv mus yuav
- Tshuaj ntsuam kab mob thiab tsom duab xob (Lab and x-ray services)
- Kho hniav

Thiab muaj ntau yam ntxiv!

YUAV UA LI CAS THIAJ TAU DAIM NTAWV KHO MOB IB LUB SIJ HAWM LUV LUV

Yog koj twb muaj ib tus kws kho mob lawm, hu mus nug seb nws puas kam siv qhov kev ua npe kom tau sai sai (Express Enrollment) los pab koj thov daim ntawv kho mob mus ib lub sij hawm luv luv hauv BadgerCare Plus. Yog tsis tau, hu rau 1-800-362-3002 lawv mam pab koj nrhiav ib tug kws kho mob hauv BadgerCare Plus rau koj.

Yog koj muaj npe zwm tau lawm, koj yuav pib siv tau koj daim ntawv kho mob ib lub sij hawm luv luv tib hnuv uas koj thov koj tus kws kho mob hauv BadgerCare Plus. Koj cov kev pab cuam yuav muaj mus txog rau hnuv kawg ntawm lub hlis tom ntej.

Piv Txwv Tias: Yog koj tus kws kho mob hauv BadgerCare Plus muaj koj npe zwm rau lub Rau Hli Ntuj tim 6, koj daim ntawv kho mob yuav siv tau mus txog rau lub Xya Hli Ntuj tim 31..

UA NTAWV MUS THOV HNUV NO

Vim hais tias qhov kev pab mus tsis ntev hauv BadgerCare Plus tsuas kav 60 hnuv xwb los yog luv dua thiab yuav tsis them tas txhua yam ntawv cov kev pab cev tsis tab seeb, koj yuav tau mus thov BadgerCare Plus hauv koj lub county los yog tribal qhov chaw ua hauj lwm kom sai li sai tau.

Ceeb Toom: Daim ntawv kho mob ib lub sij hawm luv luv hauv BadgerCare Plus yuav tsis them cov nqi mus pw hauv tsev kho mob thaum tau tus me nyuam.

Koj mus ua ntawv thov BadgerCare Plus tau hauv internet ntawm badgercareplus.org, hu xov tooj mus, xa ntawv mus los yog mus ntsib lawv kiab. Koj tus kws kho mob yuav pab tau koj ua cov ntawv thov. Mus saib hauv badgercareplus.org los yog hu 1-800-362-3002 kom tau qhov chaw nyob los yog tus xov tooj ntawm koj lub county los yog tribal qhov chaw ua hauj lwm.

Xav Paub Ntau Ntxiv:

- Mus saib ntawm badgercareplus.org
- dhs.wisconsin.gov/em/customerhelp
- Hu tus xov tooj 1-800-362-3002

Hauv daim ntawv no tsuas hais qhia me ntsis xwb. Yuav kom paub ntau tshaj qhov no ntxiv, thov hu rau 1-800-362-3002 los yog koj lub county los yog tribal qhov chaw ua hauj lwm muab kev pab.